

清季外交史精

卷之十三 通商口岸十四

弟 四 十 八 冊

圖書集成

卷一百一十五

清季外交史料卷九十三

光緒二十年六月下

目錄

直督李鴻章致總署葉志超兵單擬在津調兵往助電十六日

戶部尙書翁同龢等奏遵旨會議韓事摺十六日

臺撫邵友濂致樞垣報布置臺灣防務電十六日

總署致李鴻章英使勸日兵移南路華兵紮漢城再行開議希統籌

全局電十七日

總署致李鴻章中日若失和託使美保護華商電十七日

總署與英使歐格訥因日本事第一次問答進呈節略十七日

李鴻章劉坤一奏上海浦東地方洋商試辦火油池議定防險章程

摺十七日

總署致駐京各國公使日本首先開釁擊沉高陞商輪責有攸歸照會十八日

直督李鴻章致總署接俄使電擬約英法德商令日本退兵再議電二件二十二日

江督劉坤一致總署請指明上海及吳淞口外係不用武地始可堵口乞示電二十二日

旨寄李鴻章日若開釁葉軍地勢是否相宜應早籌備如有著名宿將准其奏調電二件二十二日

總署與英使歐格訥因日本事第二次問答進呈節略二十四日

旨寄廖壽豐並無由英人保護定海之事所請殊屬非是電二十四日

江督劉坤一致總署報各國對中國情狀並防滬口電二十五日

直督李鴻章致總署汪鳳藻報日兵突入韓宮韓拒而敗日又添兵

電二十五日

旨着劉永福幫辦臺灣防務電二十五日

直督李鴻章致樞垣聞日兵圍宮拘王我軍前進電二十五日

直督李鴻章致樞垣各輪運兵上岸被日礮擊並高陞廣乙操江被

毀電二十五日

直督李鴻章致總署中韓電線被日阻隔遵旨速籌電二十五日

總署致劉坤一日已開釁倘日船駛近浦口卽擊電二十五日

總署致楊儒希託美廷保護在日僑民電二十五日

總署致李鴻章日先開釁布告各國照會如何措詞希電署公酌電

二十五日

直督李鴻章致總署照會似宜略述屬國一節日貨暫停進口但各

國運日貨恐不能禁電二件二十五日

電報總辦盛宣懷致總署已飭各局不准收發密碼電二十六日

臺撫邵友濂致樞垣臺島械餉支絀請飭南北洋及閩督籌濟電二

十七日

直督李鴻章致樞垣報葉志超軍與日戰互有傷亡電二十七日

旨寄裕祿現豐陞阿等馳赴平壤後路空虛着布防電二十七日

直督李鴻章致樞垣馬玉崑到龍川與衛汝貴左寶貴同渡鴨綠江

電二十八日

直督李鴻章致總署按公法日使應限期出境日領派人各處偵探
亦應出境電二十八日

使日汪鳳藻致總署託美保護華僑尙未得覆並操江被奪廣乙逃

至牙山電二十八日

旨撤回駐日汪使僑民託美保護電二十八日

旨寄李鴻章戰事已開着厚集兵力廣籌應援電二十八日

旨寄鴻章葉志超兵單如何接濟卽覆電二十八日

直督李鴻章致總署籌商停止電報密碼辦法電二十九日

盛京將軍裕祿致樞垣報告調遣各軍以資策應電 二十九日

總署致李鴻章已照會日使諷之使去俟日使行即告各日領出境

電 二十九日

總署致楊儒託美保護在日華人美廷未覆諮詢問電 二十九日

清季外交史料卷九十三

黃巖叟夫王彥威輯

男希隱亮編

孫孝章敬立校

直督李鴻章致樞垣葉志超兵單擬在津調兵往助電
前恐葉志超兵單處危地商令用船移平壤旋接覆電船移甚險由陸
扼要相機移紮較有把握且梗日軍漢釜相通南路但求添隊云現擬
在津軍抽調精兵二千餘合葉原隊共五千人可當一面南路韓民不
服日而信葉當不至受困將來若和議不成北有平壤大隊南有葉軍
合力前進牽制得勢昨已電告龔使英請退兵再議仍令全退仁川無

妨葉在南路未便移平亦難並紮尊處亦可告歐商辦至英約不准夜裝兵尙有他法可想六月十六日

戶部尙書翁同龢等奏遵旨會議韓事摺

戶部尙書翁同龢等奏爲遵旨會同詳議恭摺覆陳事本月十三日軍機大臣面奉諭旨朝鮮之事關繫重大着派翁同龢李鴻藻等會同詳議等因欽此日人以重兵駐韓日久未撤和商迄無定議不得不速籌戰事此乃一定辦法奉旨諭令李鴻章派兵進發妥籌戰事茲據電稱歷來中國進兵朝鮮皆由平壤北路進發現派總兵衛汝貴統盛軍六千餘人進平壤提督馬玉崑統毅軍二千人進義州均由海道前往並咨商盛京將軍派左寶貴統馬步八營進平壤又調提督葉志超一軍

移紮平壤旅順等處海口亦已整備等語所籌尙屬周密應請諭令李鴻章即飭派出各軍迅速前往勿稍延緩欽此現經厚集兵力聲勢較壯中國本有保護朝鮮之權此次派兵前往先以護商爲名不明言與日失和稍留餘地以觀動靜現在日兵在韓益肆猖獗而英使在京仍進和商之說我旣豫備戰事如日人果有悔禍之意請願就商但使無礙大局仍可予以轉圜此亦不戰而戢人之術也蓋國家不得已而用兵必須謀出萬全況與洋人決戰尤多牽制刻下各國皆願調停而英人尤爲着力惟英最忌俄恐中日開釁俄將從中取利也我若遽行拒絕恐英將暗助日人資以船械勢益張且兵端一開久暫難定中國沿海地勢遼闊乘隙肆擾防不勝防又當經費支絀之時籌款殊難爲

繼此皆不可不慮者也然果事至無可收束則亦利鈍有所勿計現察日人之意以整頓朝鮮內治保其土地爲主祇以中國允其商議不甚切實但催令先行撤兵是以未能就範此時既派大兵前往與之相持則亦可不必催令撤兵彼如仍請派員與議則日人所請各條如有不妥我可議駁如果有裨政務亦可由我飭行既收保護利權亦不失上國體制屆時再當請旨遵行倘仍要求必不可行之事或竟曉逞兇鋒則大張撻伐聲罪致討師直爲壯各國當亦曉然而喻矣謹合詞會奏
光緒二十年六月十六日

臺撫邵友濂致樞垣報布置臺灣防務電

奉旨籌防當卽儘力布置基隆滬尾爲臺防要口當飭提督張兆連知

府朱上泮參將沈桂山率領原有八營並就地添勇四營分別扼守此外如基隆觀音山關渡各小口添募土勇嚴密分布又專弁赴江浙增募四營交已革提督李定明策應後路藩司唐景崧居中調度澎湖飭由該鎮周鎮邦於原有三營外添勇兩營均紮臺南責成萬鎮國本顧道鞏熙添勇三營與原有三營分防安平旗後兩口恒春爲日人曾至之地調勇兩營嚴飭後山各口一律駐防並將存儲水雷百餘具分布各口海外轉運爲難奉旨飭調南洋兵輪已准劉坤一電派南琛威靖兩戰船剋日來臺新疆臬司聶緝渠准暫緩引見已飭專辦後路並請劉坤一酌撥子藥鎗彈所慮該國兵輪飾詞避風修理先期入口意存叵測應請旨飭總署先事明告駐京日使輪船游弋務由口外以慎戎

機六月十六日

總署致李鴻章英使勸日兵移南路華兵紮漢城再行

開議希統籌全局電

英使言接外部電欲勸日將漢城仁川之兵移紮南路華兵紮在漢城北路再行開議與龔電相符希卽電龔告外部中國可允照辦日意如何候伊回信再歐言中國撤兵至漢城以北適與我大軍近紮朝鮮北路辦法相符今葉又請留軍牙山等處亦擬在牙添兵與英請紮北路之說不合且日軍如撤往漢城以南卽與牙軍相偪來電謂牙山爲孤危絕地縱添兵能否形勢相埒進退自如不爲日據尙希全局統籌免至將來棘手六月十七日

總署致李鴻章中日若失和託美使保護華商電

即電汪使向駐日美使述署意先與訂定萬一失和即屬其代護華商
六月十七日

總署與英使歐格訥因日本事第一次問答進呈節略

六月十四日與英使歐格訥問答歐云我日前來署之後小村使可有
照會來否答以接到小村照會一件惟其照會內所稱各節殊多不情
與前日本署與爾所談諸多不符如共保朝鮮土地派員會議各節曾
言均可商量並無他說何以小村照會內有中國仍是僅請撤兵於日
本所請各節毫無可依等語並說中國有意滋事是何道理中國於此
事皆按條約而行一步不錯日本違約妄行處處皆不按理滋事曲皆

在彼何反以此語相加歐云或係小村聽錯亦未可知答以我們對小村所說與對爾所談之話皆是一樣何謂聽錯歐云漢城所來電報請貴衙門不可盡信即如英國前有水師人員爲朝鮮所僱近聞大鳥所開條款內令朝鮮將此人辭去又朝鮮各海關皆要撤去等事英國外部已詰問日本日本回稱並無其事答以日本曾開二十餘條令朝鮮照辦該國答以王已另開條款須將該王所命各條先辦然後方能議日本所開各節歐云現在情事緊急然歐洲各國擬問中國是否願意保護朝鮮整理內政如此層願意各國仍可向日本說明催其撤兵諒無不行答以若論整理朝鮮內政這是勸其往好上去做中國有何不願意處前歷次與汝及小村均言明必須先行撤兵以後即開議整頓

各節即係指此而言何須再說歐云日本商民在朝鮮須與中國人一樣優待此中國允否告以日本前以屬邦二字多煩辯論若與中國人一律優待即係分去屬邦一半之意故不能允歐云朝貢等事仍照舊章亦不能分去屬國問若然則何不說與各國一律優待必要說與中國一律優待歐云因向中國商辦故以中國爲言答以此節中國公議斷不答應既不能分去屬邦則朝鮮之待日本可與各國一律又何必再列入條款之內歐云貴國駐朝鮮之袁大人在彼辦事甚好然一人局勢甚孤又極勞累聞袁大人年三十餘近已髮白若能再添派一人幫辦較爲得力答以該國兩次定亂袁皆身親其事故該國王極爲敬重本是得力之員歐問前日小村所覆照會如何說法請一看遂將照